

TE REO MĀORI

Kaupapa Ako: Pangarau Whenu	
Tau Pakeke : Tau 3 me te Tau 4	
Whāinga Ako	Te ine i te roa o tōku waewae me ngā waeine aro kē
Hononga ki Te Marautanga o Aotearoa 	Te Ine me te Ahuahanga Te Ine 1. Ka hanga, ka whakamahi taputapu, waeine hoki e whaitake ana, ka whakaoti rapanga māmā: te roa; te horahanga; te rōrahi (kītanga); te taumaha (papatipu); te koki; te paemahana; te wā 2. Ka mārama ki te tikanga o te ine, arā, ko te whakatairite i te mea e inea ana ki te rahi o tētahi waeine. 3. Ka whakamahi taputapu ine aronga kē.
Ngā Hononga ki Te Aho Matua 	5. Ahuatanga Ako 5.1 Ko ngā ahuatanga ako katoa he mea mahi i roto i te koanga ngakau, me te whakaihiihi hinengaro. 5.5 He mea tapiri atu ki te whakarongo, ko te titiro, ko te raweke, ko te makamaka patai, ko te whitiwhiti korero, ko te ata whakaaro, hei whakauru i te matau me te aroa.
Ngā Mōhiotanga o Mua 	I mahi au he ngohe ahua pēnei i tērā tau ki te taha o ētahi kei roto i te akoranga nei, `no reira he wheako kē a rātou. Ko ētahi hoki kua whai wheako ki ētahi atu mahi ine i roto i ngā tau. *Ko te akoranga i mua i tēnei ko te mea tuatahi mō te kaupapa ine me te whakatau tata.
Raupapatanga Ako	Ako: He hoki ki ngā mahi nō te akoranga o mua - te whakaine me te whakatau tata. He aha ngā me ae maumahara ana? Whakamāramahia te whainga: - He whakaine i te roa o tōu waewae me ngā taputapu waeine aro kē

	(non-standard unit of measure) TE NGOHE: - Whakatauhia te tauira ki te paetukuku - Āta whakamāramahia ia wāhanga: te whiriwhiri i te taputapu, te whakatau tata, kātahi ko te whai i te whakautu. - Whakaatuhia ngā rauemi waeine aro kā e whakamahi ana rātou (Kei a koe, whakamahia ngā taputapu o te akomanga). - Tukuna rātou kia tīmata. Whakakotahi mai i a rātou me kōrero mō ngā kitenga: - He aha te rerekētanga o te whakamahi tauputapu waeine aro kā rerekē ia wā? He aha ai? - Pēwhea ngā whakatau tata? <u>Ka taea te tuku i ngā kitenga ki a Pioioi, ki te rangitaki hoki.</u>
Rauemi	Pukapuka pangarau & pene rākau Pene whitau Poro rākau Legos Kari takaro Connect 4
Arotake	
	Kaupapa o te akoranga: E hangai tonu ana te akoranga nei ki te kaupapa mātua ara ko te ine me te whakatau tata engari ko te whakamahi i ngā taputapu waeine aro kā tētahi o ngā hua i puta mai i te akoranga nei. Ko te hiahia kia whakamahi i ngā taura ine a tōna wā engari he pai kia whai wā ki ngā waeine aro kā kia whai wheako rātou, ā, kia tupu hoki te maiatanga ki ngā mahi ine. Te tere o te akoranga: I te mea i mahi kā i te akoranga o mua, kāore i noho roa ki te kōrero. Ko te nuinga o te akoranga nei i te mahi ā ringa rātou. Ka tino tautoko au tērā ahua o te whakaako tamariki pēnei rawa te pakeke. Te puaki o ngā mahi - Ki au nei i te mea i mahi rātou i te akoranga o mua he māramatanga kā tā rātou, i ngawari te uru ki ngā mahi me te whakapuaki i ngā mahi. Māramatanga ā ngā akonga: Nā runga i te ahua o tō rātou whakaoti i ngā mahi, te whakamahi tika i ngā kupu hou, e whakapae ana au he māramatanga pai tā rātou ki ngā mahi ine.